



## MEMORIA XUSTIFICATIVA DO CONVENIO COLABORACIÓN ENTRE O INSTITUTO GALEGO DE PROMOCIÓN ECONÓMICA (IGAPE) E BANCO DE SABADELL, S.A. PARA IMPULSAR A COLABORACIÓN COA OFICINA ECONOMICA DE GALICIA EN PROXECTOS EMPRESARIAIS

### Primeiro.- Antecedentes

O Igape creado pola Lei 5/1992, do 10 de xuño, é un ente de dereito público adscrito á Consellería de Economía e Industria polo Decreto 49/2024, de 22 de abril, e entre as súas funcións están a promoción, fomento e potenciación de actividades económicas que favorezan o desenvolvemento equilibrado e integrado tanto en termos sectoriais coma territoriais. Constituindo, pois, un instrumento básico de actuación da administración autonómica galega para impulsar o desenvolvemento competitivo do noso sistema produtivo, promovendo actividades que contribúan á xeración de emprego en Galicia, e ao progreso económico harmónico, equilibrado e xusto, baseado nun tecido industrial moderno e competitivo. Corresponde, pois, ao Igape a dinamización da economía de Galicia, impulsando a capacidade de innovación, a explotación das vantaxes propias e dos factores endóxenos, a atracción de inversións, a competitividade da economía e o conxunto de actuacións de asesoramento, promoción, información e apoio cara ao cumprimento dos seus obxectivos.

A Lei 10/23 de Medidas fiscais e administrativas crea a Oficina Económica de Galicia adscrita á consellería con competencias en economía, como punto de contacto centralizado e singular para as empresas e persoas emprendedoras e que supón a supresión de diversos órganos. A Oficina Económica é o órgano responsable da xestión dos instrumentos previstos nesta lei para facilitar a implantación das iniciativas empresariais, especializada no acompañamento e tramitación das iniciativas empresariais, así como do asesoramento ás persoas empresarias para a posta en marcha e acompañamento das iniciativas empresariais. A Oficina Económica constitúe o punto de contacto centralizado e singular da Xunta de Galicia para o asesoramento á empresa e ás persoas emprendedoras, así como para facilitar a posta en marcha das iniciativas empresariais, encargándose da coordinación coas demais consellerías que poidan ter competencia no ámbito empresarial e ás que, por razóns de especialidade, requíraselles a súa participación.

O Igape, integra dentro das súa estrutura a Oficina Económica de Galicia asumindo as funcións e competencias atribuídas por lei.

Pola súa banda, Banco Sabadell é unha entidade financeira con proxección nacional e presenza no territorio de Galicia, cuxa finalidade básica é proveer aos seus clientes, de forma eficiente, de servizos financeiros, contribuíndo, desta forma, ao benestar económico, social e





medioambiental. Entre os seus servizos financeiros, teñen especial relevancia os dirixidos a favorecer e facilitar ás pemes o acceso ao crédito, no seu máis amplo sentido, mediante a concesión de préstamos, créditos e outras operacións de financiación. A tal fin, o Banco Sabadell, dispón dunha ampla oferta de produtos e servizos financeiros que pon a dispor das consultas recibidas no Igape, en particular, na Oficina Económica de Galicia a Pemes, Autónomos/as, Empresas e emprendedores/as para abordar e financiar os seus proxectos. En concreto os produtos a dispor do Convenio son: contas á vista para negocios, comercios, autónomos e empresas; pólizas de crédito; liñas de circulante (Desconto, Confirming, Factoring, Forfaiting); liñas de Pagos On-line (LIPO); medios de Pago , TPV's, servizo de pagos , Phone-Sell; servizos de asesoramento e xestión e-commerce; seguros especializados de Comercio e Empresa; renting; leasing; préstamos ; hipotecas; avais; anticipos de axudas e subvencións; ou liñas de COMEX.

En particular, Banco Sabadell está disposto a prestar o seu apoio habilitando unha liña de financiamento, destinada aos proxectos empresariais, a iniciar ou xa existentes, cuxa actividade se enmarque dentro dos criterios de financiamento do Banco, con condicións específicas para cada proxecto a financiar. As condicións que se aplicarán aos produtos e servizos detallados estarán de acordo ao espírito do convenio e negociaranse en cada caso en función deas características da empresa. As operacións de financiamento formalizaranse, de ser o caso, mediante Pólizas intervidas ante Notario.

Ambas partes recoñecen ás Pequenas e Medianas Empresas (PEMEs), aos/ás autónomos/as, ás Grandes empresas e aos/ás emprendedores/as de novos proxectos como pilares fundamentais do tecido económico galego. Estes axentes non só xogan un papel crucial na creación de riqueza e xeración de emprego, senón que tamén son esenciais para mellorar a calidade de vida das persoas e promover a sostibilidade medioambiental. Ademais, o seu desenvolvemento e fortalecemento son vitais para fixar poboación no ámbito rural, contribuíndo así á revitalización e dinamización destas áreas. O seu dinamismo e capacidade de adaptación convértenas en axentes esenciais para o desenvolvemento económico e social de Galicia.

### **Segundo.- Necesidade, oportunidade e obxectivos perseguidos**

Co propósito de colaborar cos axentes empresariais, considérase axeitado deseñar e establecer acordos e convenios financeiros específicos, orientados a proporcionar un financiamento adecuado, flexible e accesible, que responda eficazmente ás diversas necesidades de cada un deles, facilitando así o seu desenvolvemento sostible, innovación e expansión no el mercado. Ademais, unha das súas finalidades debe ser contribuír





especialmente ao desenvolvemento no ámbito rural, incentivando a creación e consolidación de emprego e actividade económica nestas zonas, o que permitirá un equilibrio territorial e unha mellora na calidade de vida dos seus habitantes, así como beneficiar a sectores estratéxicos como o emprendemento e as Startup, entre outros.

En suma, o convenio oriéntase a facilitar o desenvolvemento empresarial e económico de Galicia a través do apoio as súas empresas, aproveitando as oportunidades de transformación que ofrecen tanto os produtos bancarios na súa concepción tradicional, como aqueles que supoñan a transformación dixital da súa actividade. Por isto, resulta especialmente necesario para as empresas, negocios e autónomos/as e emprendedores/as, establecidos na nosa Comunidade Autónoma, acceder a liñas de financiamento e servizos financeiros, que permitan tanto o seu desenvolvemento empresarial, como o acceso a novos canles de venda, que ligados ás novas tecnoloxías, son de vital transcendencia para conseguir o obxectivo de incremento da competitividade da economía de Galicia. E na consecución da sostibilidade e o desenvolvemento das empresas ten especial importancia tanto a simplificación administrativa como a facilidade no acceso ao financiamento bancario.

De ahí, que o Igape, a través da Oficina Económica de Galicia estea interesada en que os axentes dinamizadores da economía galega podan dispoñer dunha liña especial de financiamento, en particular, para aqueles proxectos procedentes da Oficina Económica de Galicia, e un acceso claro, coordinado e prioritario aos mecanismos de presentación e estudo de la viabilidade das operacións ás entidades financeiras e neste caso en concreto aos de Banco Sabadell

### **Terceiro.- Obxecto e contido**

O convenio ten como obxecto determinar o marco de colaboración entre do Igape e Banco Sabadell no desenvolvemento de accións para apoiar os proxectos, en especial os procedentes da Oficina Económica de Galicia destinados á pequenas e medianas empresas, grandes empresas, autónomos/as e/ou emprendedores/as, concretadas na habilitación dunha liña especial de financiamento axeitada ás súas necesidades.

Tendo en conta a posición estratéxica nos mercados financeiros das entidades financeiras resulta de especial transcendencia a súa participación neses obxectivos, polo que o IGAPE está a explorar vías cara a colaboración con diversas entidades. A tal efecto, cómpre salientar que este convenio de colaboración non confire ningún tipo de exclusividade a Banco Sabadell, e conseguintemente, o Igape poderá subscribir outros acordos de natureza análoga con calquera outra entidade bancaria.





#### **Cuarto.- Xustificación da utilización da figura do convenio**

Motívase a utilización da figura do convenio nas razóns de necesidade e oportunidade expostas, tendo en conta a posición estratéxica nos mercados financeiros das entidades financeiras resulta de especial transcendencia a súa participación nes obxectivos, polo que o IGAPE está a explorar vías cara a colaboración con diversas entidades. A tal efecto, cómpre salientar que este convenio de colaboración non confire ningún tipo de exclusiva a Banco Sabadell, e conseguintemente, o Igape poderá subscribir outros acordos de natureza análoga con calquera outra entidade bancaria.

Igualmente os proxectos procedentes da Oficina Económica de Galicia destinados á pequenas e medianas empresas, grandes empresas, autónomos/as e/ou emprendedores/as, avaliarán o interese que teñen para as súas iniciativas os distintos instrumentos ou liñas de financiamento que existen, optando por aqueles que consideren máis axeitados.

Sinalar tamén, que o convenio non supón para o Igape achega económica algunha, sen prexuízo do establecemento de accións conxuntas entre ambas as dúas partes cara a súa divulgación mediante diversas fórmulas, como a:

- ✓ Colaboración en publicacións que permitan mellorar a información sobre o Igape e, e particular, sobre o papel da Oficina Económica de Galicia, as sus actividades e fins.
- ✓ Realización conxunta de actividades como foros, seminarios, conferencias e similares.
- ✓ Colaboración en aquelas actividades promovidas polo Igape, especialmente as orientadas á promoción e desenvolvemento da Oficina Económica de Galicia.

#### **Quinto.- Desenvolvemento e execución**

En cumprimento do obxecto do convenio, Banco Sabadell pon a dispor dos axentes aludidos unha Liña de Financiamento de ata un límite de TRESCENTOS MILLÓNS DE EUROS (300.000.000 €), establecendo, conxuntamente co Igape, a través da Oficina Económica de Galicia, un circuío de coordinación directa entre os Equipos de Riscos de ambas entidades.

Banco Sabadell comprométese a estudar cada operación presentada polo Igape e a comunicarlle o seu ditame en canto á súa concesión ou denegación, nun prazo non superior a 7 días hábiles dende a data de recepción da documentación debidamente cumprimentada.

As operacións catalogaranse polo importe de facturación dos solicitantes:

- Ata 2 millóns de euros de facturación: negocios, autónomos/as, comercios e Startups
- Entre 2 millóns de euros e 10 millóns de euros: Pemes
- Máis de 10 millóns de euros :Grandes Empresas





Non existe importe mínimo nin máximo nas operacións a considerar, e de ser o caso, que xurdira unha operación de importe sensiblemente elevado que puidera desvirtuar a filosofía do Convenio e/ou o límite da liña e sempre de mutuo acordo entre as partes, será obxecto de estudo sen afectar ao resto do límite.

Os equipos de Banco Sabadell, liderados pola Dirección de Riscos Territorial, xunto co Igape, manterán xuntanzas periódicas con carácter mensual co obxectivo de :

- a) Identificar as operacións a elevar a estudo de Riscos
- b) Analizar evolución e canle de presentación das mesmas
- c) Coordinación e información sobre sectores estratéxicos
- d) Seguimento de operacións presentadas e evolución
- e) Anticipación de situacións que poidan ocasionar incidencias ás partes
- f) Identificación e propostas de anticipación para situacións empresariais con problemas de relevo xeracional
- g) Identificación de operacións de M&A potenciais relevantes
- h) Identificación de operacións con necesidade de crecemento de estrutura
- i) Compartir experiencias de éxito para proxectos similares
- j) Prioridade no estudo de proxectos de sectores identificados como estratéxicos: mar e industria, agroalimentario e Utilities.
- k) Prioridade no estudo de proxectos en zonas de especial atención, desfavorecidas ou do entorno rural.
- l) Para operacións de emprendemento e Startups, ponse a disposición do Convenio o servizo de Banco Sabadell BSTARTUP, programa especializado en empresas innovadoras, tecnolóxicas e dixitais. Así:
  - Participando do Programa BSTARTUP 10, concurso que selecciona anualmente a 10 empresas nas que inviste 100.000 € tomando a cambio unha participación minoritaria
  - Oficina especializada en Galicia con circuío de Riscos propio
  - Innovación colaborativa. Actuando como radar tanto para o Igape como para Banco Sabadell identificando oportunidades de investimento.

#### **Sexto.- Funcionamento e características específicas da operativa**

Para o estudo e información das operacións, o Igape e Banco Sabadell analizarán con profundidade e rigor cada operación. Sen que resulte imprescindible que a PEME, a empresa, o/a autónomo/a ou o /a emprendedor/a beneficiada do convenio, sexa cliente de Banco Sabadell á data da solicitude, garantindo así que todos os proxectos elixibles poidan acceder aos fondos, promovendo o crecemento e fortalecemento do tecido empresarial rexional.





A tal efecto o estudo e información das operacións realizarase en base á seguinte información a recabar:

- Documentación xustificativa da finalidade do préstamo.
- Balances e contas de explotación dos tres últimos exercicios, auditorías ou balances fiscais
- Estados financeiros provisionais do exercicio en curso (se o balance de peche ten unha antigüidade superior a 6 meses).
- Impostos: Imposto de Sociedades + IVA anual e IVA trimestral do ano en curso. ( E Imposto de Patrimonio / IRPF (para persoas físicas cando actúen como empresarios/as ou como garantes)
- Documento asinado autorizando a Banco Sabadell a solicitar informe á Central de Información de Riscos do Banco de España (CIRBE)
- Pool bancario, con detalle de:
  - tipo de produtos de risco en vigor con entidades : crédito, préstamos, etc
  - capital inicial e pendente
  - cotas e vencementos
- Acreditación da situación tributaria: cotas á Seguridade Social e á Facenda Pública
- Declaración de bens e obrigas (tamén solicitarase a persoas físicas que actúen como empresarios/as ou como garantes)
- Detalle de principais clientes e provedores. Mod. 347
- Organigrama do grupo (no caso de empresas con nivel de facturación superior a 6 millóns de € euros e que pertencen a un grupo de empresas).

En Santiago de Compostela, na data da sinatura dixital

A directora xeral do Igape

Covadonga Toca Carús

